

Indlela Yokwenza Intsapho Yakho Yonwabe

(Inxalenye 1)

Isekelwe kwisahluko 14 sencwadi ethi *Yintoni Ngokwenene Efundiswa YiBhayibhile?* efumanekayo ku-jw.org/xh.

INJONGO: Ukuhlolisisa oko ukukholelwayo, isizathu sokuba ukukholelwe, ukuhlola oko iBhayibhile ikutshoyo nokubona ukuba ungazicacisa njani iinkolelo zakho kwabanye.



YIYIPHI INDLELA ONOKONWABA NGAYO EMTSHATWENI?

1 HLOLA IINKOLELO ZAKHO

Banokuthini abanye abantu?

Yintoni oyikholelwayo *wena*?

Kutheni uyikholelwa loo nto?

Ukukhokelwa nguThixo yeyona ndlela iphambili esinokonwaba ngayo emtshatweni.

(Funda isahluko 14 sencwadi ethi *Okufundiswa YiBhayibhile*, isiqendu 1-4.)

Funda uLuka 11:28.

Ngokutsho kukaYesu, yintoni ekufuneka siyenze ukuze sonwabe?

Funda iGenesis 2:18, 21-24.

Sazi njani ukuba umtshato ekonwatyweyo kuwo sisipho esivela kuThixo?



Imiyalelo esuka kumenzi wefenitsha ethile ibonisa indlela echanileyo yokuyidibanisa. Ngendlela efanayo, iBhayibhile, esuka kuMsunguli welungiselelo lentsapho, isixelela indlela yokwakha umtshato ekonwatyweyo kuwo

Izibini ezitshatileyo ziyafunda kumzekelo eziwubekelwe nguYesu.

(Funda isahluko 14 sencwadi ethi Okufundiswa YiBhayibhile, isiqendu 5-13.)

Funda amaEfese 5:23, 25, 28, 29.

Nangona engazange atshate, yiyiphi indlela uYesu abamisela ngayo umzekelo omhle abayeni?

Funda eyoku-1 kwabaseKorinte 11:3 namaEfese 5:33b.

Ekuthobeleni ubuntloko bukaThixo, nguwuphi umzekelo omhle uYesu awawubekela abafazi?
(Funda neyoku-1 kuPetros 3:1-4.)

Kutheni ukholelw' ekubeni uThixo unikela ukhokelo olusemagqabini kwizibini ezitshatileyo?



CACISA IINKOLELO ZAKHO

UKUBA UMNTU UTHI...

IBhayibhile indala kakhulu ukuba inganceda iintsapho namhlanje.

UNOKUPHENDULA UTHI...

Abantu abaninzi bangavumelana nawe. Kodwa mna ndikholelwa ngendlela eyahlukileyo kuba...

Yiyiphi ivesi onokumphendula ngayo?

Ucinga ngendlela abona ngayo lo mntu, ungayihlalutya njani le vesi?

UKUBA UMNTU UTHI...

Imfundiso yeBhayibhile ngobuntloko yenza bajongelwe phantsi abafazi.

UNOKUPHENDULA UTHI...

Abanye abantu bacinga njalo. Kodwa imiyalelo yeBhayibhile eya kumadoda nabafazi yenza baphathwe ngesidima abafazi. Ngokomzekelo...

Yiyiphi ivesi onokumphendula ngayo?

Ucinga ngendlela abona ngayo lo mntu, ungayihlalutya njani le vesi?
